



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04-38- 38989-21 /21
Sarajevo, 02. 11. 2021. godine

SKUPŠTINA KANTONA SARAJEVO

N/r Elvedina Okerića, Predsjedavajući Skupštine Kantona Sarajevo

-ovdje-

Zastupnica Danijela Kristić, u skladu sa članom 213. Poslovnika Skupštine Kantona Sarajevo, na 43. Radnoj sjednici Skupštine Kantona Sarajevo, održanoj dana 22.10.2021. godine, u okviru tačke Dnevnog reda, „Poslanička pitanja, inicijative i odgovori,“, uputila je zastupničku inicijativu da se u osnovnim i srednjim školama pokrene projekat obavezne obuke iz kardiopulmunalne reanimacije za školsku djecu.

ZASTUPNIČKA INICIJATIVA:

Ovim putem podnosim inicijativu da se u 2022. godini obezbijede sredstva da se u osnovnim i srednjim školama provede projekat obavezne obuke iz kardiopulmunalne realimacije za školsku djecu.

OBRAZLOŽENJE

Iznenadni srčani zastoj treći je najčešći uzrok smrti i najčešće se dešava izvan bolnice. Stope preživljavanja su obično 2% - 10 % nakon srčanog zastoja izvan bolnice. Ako obučene osobe koje su svjedoci naglog srčanog zastoja odmah pokrenu kardiopulmunalnu reanimaciju (CPR), stope preživljavanja mogu se drastično povećati.

Nakon naglog srčanog zastoja, moždane ćelije mogu tolerirati samo 3-5 minuta bez kisika. U gotovo svim slučajevima to je mnogo manje vremena od vremena potrebnog za dolazak hitne medicinske pomoći.

Najbolji način da se poveća broj ljudi koji znaju započeti kardiopulmunalnu reanimaciju je tako što se djeca počnu obučavati u osnovnoj školi. Oni tada potrebne vještine nauče za čitav život (kao plivanje, vožnja biciklom), a odlični su multiplikatori jer znanje prenesu na porodicu, prijatelje...



ODGOVOR NA ZASTUPNIČKU INICIJATIVU

Obratili ste se Ministarstvu za odgoj i obrazovanje Kantona Sarajevo inicijativom da se u 2022. godini obezbijede sredstva da se u osnovnim i srednjim školama provede projekat obavezne obuke iz kardiopulmunalne reanimacije za školsku djecu.

S tim u vezi obavještavamo Vas da Ministarstvo za odgoj i obrazovanje Kantona Sarajevo podržava brigu za zdravlje stanovništva, kako bi učenici znali da pruže adekvatnu pomoć osobama kojima je ugroženo zdravlje i život odnosno prilikom iznenadnih srčanih zastoja.

Napominjemo da učenici iz predmeta – biologija, jednim dijelom izučavaju pomenutu problematiku, odnosno kako pomoći osobi sa iznenadnim srčanim udarom. Učenici koji učestvuju u aktivnostima sekcije - prva pomoć, koja se realizira u saradnji sa Crvenim križom Kantona Sarajevo, također izučavaju i obučavaju se za praktičnu pomoć licima sa pomenutom problematikom.

Ministarstvo za odgoj i obrazovanje podržava pomenutu inicijativu, te Vas obavještavamo da ćemo uložiti maksimum angažmana da se obezbijede sredstva da bi se u osnovnim i srednjim školama Kantona Sarajevo u 2022. godini realizirao projekat obavezne obuke iz kardiopulmunalne reanimacije za školsku djecu.

Ministarstvo za odgoj i obrazovanje Kantona Sarajevo stoji na raspolaganju da zajednički napravimo plan aktivnosti u vezi sa realizacijom navedenog projekta. Također predlažemo da nam dostavite, okvirno, koji broj škola i broj učenika bi učestvovali u pomenutim obukama.

S poštovanjem,


Naida Hota - Muminović

Dostaviti: - Naslovu,
- Arhivi.

Pripremila: Indira Mešković,
Saglasna: Lamija Husić,

06-11-2021



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

